

古今文綜

野居書贈

古今文綜 第五部 詔令表奏之屬

第三十四冊

目錄

第二編 表奏類

第三章 表奏之其餘各體

(甲)對

漢劉勝聞樂對

漢賈捐之罷珠厓對

漢東方朔化民有道對

漢終軍白麟奇木對

漢吾邱壽王禁民挾弓弩對

北齊樊遜升中紀號對

北齊樊遜求才審官對

北齊樊遜釋道教對

北齊樊遜刑罰寬猛對

北齊樊遜禍福報應對

清汪中廣陵對

(乙)策

漢董仲舒對賢良策一

漢董仲舒對賢良策二

漢董仲舒對賢良策三

五代王朴平邊策

宋蘇軾策略一

宋蘇軾策略五

宋蘇軾決壅蔽策

宋蘇軾無沮善策

宋蘇軾敦教化策

宋蘇軾教戰守策

宋蘇軾蓄財用策

宋蘇軾倡勇敢策

(丙)講義

清陳兆崙帝德罔愆一節講義

(丁)駁議

漢蔡邕伐鮮卑議

晉摯虞駁用古尺

唐高適後漢賊臣董卓廟議

唐韓愈禘祫議

唐柳宗元駁復讎議

(戊) 諡議

晉秦秀何曾諡議

梁任昉齊明帝諡議

唐獨孤及唐故御史中丞盧奕諡議

(己) 彈文

梁沈約奏彈王源

梁任昉奏彈曹景宗

梁任昉奏彈蕭穎達

梁任昉奏彈劉整

唐杜正倫彈將軍李子和文

(庚) 露布

唐駱賓王兵部奏姚州破賊設蒙儉等露布

唐駱賓王兵部奏姚州破逆賊諾沒弄楊虔柳露布

唐張說爲河南郡王武懿宗平冀州賊契丹等露布

清紀昀平定兩金川露布

(辛)降表

五代前蜀王衍降表

五代李昊代後蜀主孟昶降表

古今文綜

第五部 詔令表奏之屬

第三十四冊

杭縣張 相讓錄

杭縣姚漢章閱訂

第二編 表奏類

第三章 表奏之其餘各體

凡屬於表奏類者。體製匪一。綜述於此。曰對。曰策。曰講義。曰駁議。曰謚議。曰彈文。曰露布。曰降表。凡爲類八。

(甲)對

彥和有云。對策者。應詔陳政。議之別體。又按漢制。朝臣補外。天子使人受所欲言。及有事下議。均以書對。故應劭漢儀云。董仲舒老病致仕。每有政議。數遣廷尉張湯親至陋巷。問其得失。於是作春秋決獄二百三十二事。動以經對。此其事也。然亦有文不條陳。但資發摠者。如中山王聞樂對。終童白麟奇木對。汪

容甫廣陵對亦以附焉共錄十一首

漢劉勝聞樂對

臣聞悲者不可爲索欬。思者不可爲歎息。故高漸離擊筑易水之上。荆軻爲之低而不食。雍門子壹微吟。孟嘗君爲之於邑。今臣心結日久。每聞幼眇之聲。不知涕泣之橫集也。夫衆煦漂山。聚蠱成蠹。朋黨執虎。十夫撓椎。以是文王拘於牖里。孔子阨於陳蔡。此乃烝庶之成風。增積之生害也。臣身遠與寡。莫爲之先。衆口鑠金。積毀銷骨。叢輕折軸。羽翮飛肉。紛驚逢羅。潛然出涕。臣聞白日曬光。幽隱皆照明。月曜夜蠹。蟲宵見然。雲蒸列布。杳冥晝昏。塵埃掩覆。昧不見泰山。何則。物有蔽之也。今臣雍闕。不得聞讒言之徒。蠱生道遼。路遠曾莫爲臣聞。臣竊自悲也。臣聞社蠶不灌。屋鼠不熏。何則。所託者然也。臣雖薄也。得蒙肺附。位雖卑也。得爲東藩屬。又稱兄。今羣臣非有葭莩之親。鴻毛之重。羣居黨議。朋友相爲。使夫宗室擯。郤骨肉。冰釋斯伯奇。所以流離比干。所以橫分也。詩云。我心憂傷。惄焉如擣。假寐永歎。

唯憂用老。心之憂矣。疢如疾首。臣之謂也。

漢賈捐之罷珠厓對

臣幸得遭明盛之朝。蒙危言之策。無忌諱之患。敢昧死竭卷卷。臣聞堯舜聖之盛也。禹入聖域而不優。故孔子稱堯曰大哉。韶曰盡善。禹曰無間。以三聖之德。地方不過數千里。西被流沙。東漸於海。朔南暨。聲教迄於四海。欲與聲教。則治之不欲與者。不彊治也。故君臣歌德。含氣之物。各得其宜。武丁成王殷周之大仁也。然地東不過江黃。西不過氐羌。南不過蠻荆。北不過朔方。是以頌聲並作。視聽之類咸樂其生。越裳氏重九譯而獻。此非兵革之所能致。及其衰也。南征不還。齊桓揅其難。孔子定其文。以至乎秦興兵。遠攻貪外。虛內。務欲廣地。不慮其害。然地南不過閩越。北不過太原。而天下潰畔。禍卒在於二世之末。長城之歌。至今未絕。賴聖漢初興。爲百姓請命。平定天下。至孝文皇帝。閔中國未安。偃武行文。則斷獄數百。民賦四十丁。男三年而一事。時有獻千里馬者。詔曰。鸞旗在前。屬車在後。吉行日五

十里師行三十里。朕乘千里之馬。獨先安之。於是還馬與道里費。而下詔曰。朕不受獻也。其令四方毋求來獻。當此之時。逸游之樂。絕奇麗之賂。塞鄭衛之倡。微矣。夫後宮盛色。則賢者隱處。佞人用事。則諍臣杜口。而文帝不行。故諡爲孝文。廟稱太宗。至孝武皇帝元狩六年。太倉之粟。紅腐而不可食。都內之錢。貫朽而不可校。迺探平城之事。錄冒頓以來。數爲邊害。籍兵厲馬。因富民以攘服之。西連諸國。至於安息。東過碣石。以玄菟樂浪爲郡。北卻匈奴萬里。更起營塞。制南海以爲八郡。則天下斷獄萬數。民賦數百。造鹽鐵酒榷之利。以佐用度。猶不能足。當此之時。寇賊並起。軍旅數發。父戰死於前。子鬪傷於後。女子乘亭鄣。孤兒號於道。老母寡婦。飲泣巷哭。遙設虛祭。想魂乎萬里之外。淮南王盜寫虎符。陰聘名士。關東公孫勇等。詐爲使者。是皆廓地秦大。征伐不休之故也。今天下獨有關東。關東大者。獨有齊楚。民衆久困。連年流離。離其城郭。相枕席於道路。人情莫親。父母莫樂。夫婦至嫁妻賣子。法不能禁。義不能止。此社稷之變也。今陛下不忍惻惻之忿。欲驅士衆。

擠之大海之中。快心幽冥之地。非所以求助饑饉。保全元元也。詩云。蠢爾蠻荆。大邦爲讐。言聖人起則後服。中國衰則先畔。動爲國家難。自古而患之久矣。何況迺復其南方萬里之蠻乎。駱越之人。父子同川而浴。相習以鼻飲。與禽獸無異。本不足郡縣置也。顓顓獨居一海之中。霧露氣溼。多毒草蟲蛇。水土之害人。未見虜戰士自死。又非獨珠厓有珠犀瑇瑁也。棄之不足惜。不擊不損威。其民譬猶魚鼈。何足貪也。臣竊以往者羌軍言之。暴師曾未一年。兵出不踰千里。費四十餘萬。大司農錢盡。迺以少府禁錢續之。夫一隅爲不善。費尙如此。況於勞師遠攻。亡士毋功乎。求之往古則不合。施之當今又不便。臣愚以爲非冠帶之國。禹貢所及。春秋所治。皆可且無以爲願。遂棄珠厓。專用恤關東爲憂。

漢東方朔化民有道對

堯舜禹湯文武成康。上古之事。經歷數千載。尙難言也。臣不敢陳。願近述孝文皇帝之時。當世耆老皆聞見之。貴爲天子。富有四海。身衣弋絺。足履革舄。以韋帶劍。

莞蒲爲席。兵木無刃。衣縵無文。集上書囊。以爲殿帷。以道德爲麗。以仁義爲準。於是天下望風成俗。昭然化之。今陛下以城中爲小。圖起建章。左鳳闕。右神明。號稱千門萬戶。木土衣綺繡。狗馬被繡罽。宮人簪璫。垂珠璣。設戲車。教馳逐。飾文采。叢珍怪。撞萬石之鐘。擊雷霆之鼓。作俳優。舞鄭女。上爲淫侈如此。而欲使民獨不奢侈。失農事之難者也。陛下誠能用臣朔之計。推甲乙之帳。燔之於四通之衢。却走馬。示不復用。則堯舜之隆。宜可與比治矣。易曰。正其本。萬事理。失之毫釐。差以千里。願陛下留意察之。

漢終軍白麟奇木對

臣聞詩頌君德。樂舞后功。異經而同指。明盛德之所隆也。南越竄屏葭葦。與鳥魚羣。正朔不及其俗。有司臨境而東甌內附。閩王伏辜。南越賴救。北胡隨畜。薦居禽獸。行虎狼心。上古未能攝大將軍秉鉞。單于犇幕。票騎抗旌。昆邪右衽。是澤南洽。而威北暢也。若罰不阿近。舉不遺遠。設官竢賢。縣賞待功。能者進以保祿。罷者退

而勞力刑於宇內矣。履衆美而不足。懷聖明而不專。建三宮之文質。章厥職之所宜。封禪之君無聞焉。夫天命初定。萬事草創。及臻六合同風。九州共貫。必待明聖潤色。祖業傳於無窮。故周至成王。然後制定。而休徵之應見。陛下盛日月之光。垂聖思於勒成。專神明之敬。奉燔瘞於郊宮。獻享之精。交神積和之氣。塞明而異獸來獲。宜矣。昔武王中流。未濟。白魚入於王舟。俯取以燎。羣公咸曰。休哉。今郊祀未見於神祇。而獲獸以饋。此天之所以示饗而上通之符合也。宜因昭時。今日改定。告元苴白茅於江淮。發嘉號於營邱。以應緝熙。使著事者有紀焉。蓋六鵠退飛。逆也。白魚登舟。順也。夫明闇之徵。上亂飛鳥。下動淵魚。各以類推。今野獸并角。明同本也。衆支內附。示無外也。若此之應。殆將有解編髮。削左衽。襲冠帶。要衣裳。而蒙化者焉。斯拱而俟之耳。

漢吾邱壽王禁民挾弓弩對

臣聞古者作五兵。非以相害。以禁暴討邪也。安居則以制猛獸。而備非常。有事則

以設守衛而施行陣。及至周室衰微。上無明王。諸侯力政。彊侵弱。衆暴寡。海內抗。敵。巧。詐。並。生。是。以。知。者。陷。愚。勇。者。威。怯。苟。以。得。勝。爲。務。不。顧。義。理。故。機。變。械。飾。所。以。相。賊。害。之。具。不。可。勝。數。於。是。秦。兼。天。下。廢。王。道。立。私。議。滅。詩。書。而。首。法。令。去。仁。恩。而。任。刑。戮。墮。名。城。殺。豪。桀。銷。甲。兵。折。鋒。刃。其。後。民。以。耰。鉏。箠。相。撻。擊。犯。法。滋。衆。盜。賊。不。勝。至。於。赭。衣。塞。路。羣。盜。滿。山。卒。以。亂。亡。故。聖。王。務。教。化。而。省。禁。防。知。其。不。足。恃。也。今。陛。下。昭。明。德。建。太。平。舉。俊。材。興。學。官。三。公。有。司。或。由。窮。巷。起。白。屋。裂。地。而。封。宇。內。日。化。方。外。鄉。風。然。而。盜。賊。猶。有。者。郡。國。二。千。石。之。罪。非。挾。弓。弩。之。過。也。禮。曰。男。子。生。桑。弧。蓬。矢。以。舉。之。明。示。有。事。也。孔。子。曰。吾。何。執。執。射。乎。大。射。之。禮。自。天。子。降。及。庶。人。三。代。之。道。也。詩。云。大。侯。既。抗。弓。矢。斯。張。射。夫。既。同。獻。爾。發。功。言。貴。中。也。愚。聞。聖。王。合。射。以。明。教。矣。未。聞。弓。矢。之。爲。禁。也。且。所。爲。禁。者。爲。盜。賊。之。以。攻。奪。也。攻。奪。之。罪。死。然。而。不。止。者。大。姦。之。於。重。誅。固。不。避。也。臣。恐。邪。人。挾。之。而。吏。不。能。止。良。民。以。自。備。而。抵。法。禁。是。擅。賊。威。而。奪。民。救。也。竊。以。爲。無。益。於。禁。姦。而。廢。

先王之典。使學者不得習行其禮。大不便。

北齊樊遜升中紀號對

臣聞巡嶽之禮。勒在虞書。省方之義。著於易象。往帝前王。匪惟一姓。封金刊玉。億有餘人。仲尼之觀梁甫。不能盡識。夷吾之對齊桓。所存未幾。然盛德之事。必待太平。苟非其人。更貽靈譴。秦皇無道。致雨風之災。漢武奢淫。有奉車之害。及文叔受命。炎精更輝。四海安流。天下輯睦。劍賜騎士。馬駕鼓車。乃用張純之文。始從伯陽之說。至於魏晉。雖各有君。量德而處。莫能擬議。蔣濟上言於前。徒穢紙墨。袁淮發論於後。終未施行。世歷三朝。年將十祀。啓聖之期。茲爲昌會。然自水德不競。函谷封塗。天馬息歌。苞茅絕貢。我太祖收寶雞之瑞。握鳳凰之書。體一德以匡朝。屈三分而事主。蕩此妖寇。易如沃雪。但昌旣受命。發乃行誅。雖太白出高。中國宜戰。置之度外。望其遷善。伏惟陛下。以神武之姿。天然之略。馬多冀北。將異山西。涼風至。白露下。北上太行。東臨碣石。方欲吞巴蜀。而掃嶠函。苑長洲而池江。漢復恐迎風。

縱火芝艾共焚。按此六軍未申九伐。夫周發牙璋。漢馳竹使。義在濟民。非聞好戰。至如投鼠忌器之說。蓋是常談。文德懷遠之言。豈識權道。今三臺令子。六郡良家。蓄銳須時。裹糧待詔。未若龍駕虎服。先收隴右之民。電轉雷驚。因取荆南之地。昔秦舉長平。金精食昴。楚攻鉅鹿。枉矢宵流。況我威靈。能無協讚。但使彼之百姓。一覩六軍。似見周王。若逢司隸。然後除其苛令。與其約法。振旅而還。止戈爲武。標金南海。勒石東山。紀天地之奇功。被風聲於千載。若令馬兒不死。子陽尙在。便欲案明堂之圖。草射牛之禮。比德論功。多慙往列。升中告禪。臣用有疑。

北齊樊遜求才審官對

臣聞彫虎畫龍。徒有風雲之勢。金丹玉馬。終無水陸之功。三駕禮賢。將收實用。一毛不拔。復何足取。是以堯作虞賓。遂全箕山之操。周移商鼎。不納孤竹之言。但處士盜名。雖云久矣。朝臣竊位。蓋亦實多。漢拜丞相。便有鍾鼓之妖。魏用三公。乃至孫權之笑。故山林之與朝廷。得容非毀。肥遯之與賓王。翻有優劣。至於時非蹈海。

而曰。羞作秦民事。異出關而言恥。從衛亂。雖復星干。帝座不易。高尚之心。月犯少微。終存耿介之志。自我太嶽之後。克廣洪業。禹至神宗。舜格文祖。陛下受天之明命。光華日月。爰自納麓。乃格文祖。儀天地以設官。象星辰而布職。漢家神鳳。慙用紀年。魏氏青龍。羞將改號。上膺列宿。咸是異人。下法山川。莫非奇士。所以畫堂甲觀。修德日新。廟鼎歌鍾。王勳歲委。循名責實。選衆舉能。朝無銅臭之公。世絕錢神之論。昔百里相秦。名存雀籙。蕭張輔沛。姓在河書。今日公卿。抑亦天授。與之爲治。何欲不遂。未必稽首天師。方聞牧馬之術。膝行山上。始得治身之道。但使帝德休明。自彊不息。甲夜觀書。支日通奏。周昌桀紂之論。欣然開納。劉毅桓靈之比。終自含弘。高懸王爵。惟能是與。管庫靡遺。漁鹽畢錄。無令桓譚非讖。官止於郡。丞趙壹負才。位終於計。掾則天下宅心。幽明知感。歲精仕漢。風伯朝周。真人去而復歸。台星坼而還歛。詩稱多士。易載羣龍。從此而言。可以無愧。

北齊樊遜釋道教對